

RIBA CAMINDA PA MUNDIAL

Tur diahuebs
mainta **7:30 AM** y atardi **5:00 PM**
riba **100.9 FM**



Minister Benny Sevinger

Proyectonan di renobacion ta sigui revitalisa e dos centronan di ciudad



ORANJESTAD –Minister encarga cu Infraestructura, Desaroyonan Teritorial y Integracion, Benny Sevinger, a bisa durante un conferencia di prensa, cu e enfoko ta sigui riba: renobacion urbano; renobacion y expansion di hospital; expansion di infraestructura; renobacion di edificionan di gobierno y scolnan; upgrade di diferente bario; Linear Park; vivienda en general y proyectonan PPP (Private Public Partnership).

PROYECTONAN

Ora papia di renobacion urbano, a mandatario a menciona proyectonan cu a wordo realisa den añanan anterior. A crea un sistema di infraestructura nobo bou tera pa sistemanan di utilidad (den caya principal); a cumpra dos tram; a instala tracks pa tram; a crea un sistema di dreñahe; streetscape; sistema di indicacion pa e tramnan; remise/depot y varios acera nobo.

DIFERENTE FASE

Di e proyectonan aki, e mandatario a splica cu den e siguiente fase, lo habri un ruta pa e tramnan pasa den Wilhelminastraat, conectando e area aki tambe cu waf. Ademas di e dos tramnan cumpra caba, tin otro dos cu ta den construccion actualmente. Pa

trece un cambio den centro, renoba y revitalisa, gobierno di Aruba a cumpra e edificio bieu di Texas, esun di Nikki Habibe y probablemente algun mas pa por caba di drecha centro di ciudad.

CU APROBACION

Proyectonan cu a menciona, den liñanan grandi, pa e periodo di 2013-2017 ta: renobacion, infraestructura y embeyecemento di Havenstraat, Schelpstraat y Weststraat y Welcome Plaza. Diseño di e plaza aki ta cla caba y solamente falta pa regla su financiamiento. Importante avor cu e trabounan pa renoba y revitalisa Caya Grandi ta hopi avansa, ta creacion di BID (Business Improvement District), cu ta e organisacion cu ta bay promove seguridad y mantencion di centro di ciudad. Ya caba a haya aprobacion pa su creacion for di Consejo di Minister.

LOKE FALTA

Otro proyectonan cu mester wordo realisa den e periodo aki ta Plaza Padu, dilanti edificio Cocolishi, Upgrade di Wilhelminastraat; instalacion pa tracks di tram pa Wilhelminastraat y recap di e cayanan den zona di Oranjestad.

Dos proyecto importante pa centro di ciudad ta Parkeer-

meters y Parkeergarages. Gobierno, ta den deliberacion cu Arubus pa mira si e compania aki ta tuma responsabilidad pa ehecuta parkeermeters den zona di Oranjestad y di hotel. Pa loke ta Parkeergarages ya caba durante gobernacion anterior, a destina tres area pa construccion di areanan di stacionamento. Un ekipo di gobierno ta trahando riba e diseño prome cu e por

bay destaho publico, ya cu esaki lo wordo maneha door di sector priva. E areanan ta: den bisindario di Corte; ex Tivoli Club y un otro unda antes tabata DOW.

RENOBACION URBANO SAN NICOLAS

E mandatario a sigui splica riba ehecutacion di proyectonan di renobacion di Pastoor Hendrikstraat (Fase II

y III); cu ta e finalisacion di Carnival Village (Fase 1); Carnival Village (Fase II) y Carnival Museum, cu ta situa na entrada di San Nicolas, unda antes tabata Green Hill Supermarket.

E Renobacion Urbano ta encera "upgrading" di loka wordo yama "roze buurt" di San Nicolas, separando esaki for di caya principal di centro di compra na San Nicolas. □